

## VINDAFJORD KONTROLLUTVAL

### PROTOKOLL

Onsdag **25. april 2018** blei det halde møte i Vindafjord kontrollutval under leiing av utvalsleiar Nils Terje Oma.

<b>MØTESTAD:</b>	Vindafjord Rådhus, formannskapssalen
<b>MØTESTART-MØTESLUTT:</b>	Kl. 15.00 – kl. 17.00
<b>MØTANDE MEDLEMER:</b>	Nils Terje Oma (Ap), Kristian Haraldson Ressel (BBL) og Johannes Vestbø (Sp)
<b>FORFALL:</b>	Gunn Haraldseid (H), Marit Aga Hustvedt (Ap)
<b>MØTANDE VARAMEDLEMER:</b>	Anne Tone Salte Andersen (H) og Oddvar Haugland (Krf)
<b>FRÅ SEKRETARIATET MØTTE:</b>	Utvallssekretær/rådgevar Odd Gunnar Høie, Haugland Kontrollutvalgssekretariat IKS
<b>FRÅ REVISJONEN MØTTE:</b>	Revisor Else Holst-Larsen – Deloitte AS
<b>FRÅ ADMINISTRASJONEN MØTTE:</b>	Rådmann Kristian Birkeland i sakene 2 - 4 økonomisjef Ove Eidsheim i sak 3, kommunalsjef Øistein Gunnarshaug i sak 4, kommunalsjef Nils Erik Eide og einingsleiar barnevern Dan Jørgen Eide i sak 2
<b>ANDRE SOM MØTTE:</b>	Ordførar Ole Johan Vierdal (Sp)
<b>MERKNADER TIL INNKALLING:</b>	Ingen
<b>MERKNADER TIL SAKLISTE:</b>	Sakene blei handsama i denne rekkefylgja: sak 4, 1, 2, 3, 5 og 6.

### **FØLGJANDE SAKER BLEI HANDSAMA:**

#### **SAK 01/18 GODKJENNING AV PROTOKOLL FRÅ MØTE 22.11.17**

**Sekretariatet si innstilling:**

Protokoll frå kontrollutvalsmøte 22.11.17 blir godkjent slik han ligg føre.

**Handsaming i kontrollutvalet:**

Utvalet hadde ingen merknadar til protokollen.

### **Samrøystes vedtak i kontrollutvalet 25.04.18:**

*Protokoll frå kontrollutvalsmøte 22.11.18 blir godkjent slik han ligg føre.*

### **SAK 02/18 REFERAT- OG ORIENTERINGSSAKER 25.04.18**

1. Orientering om status for barnevernet v/rådmann og barnevernsleiar
2. Statusrapport pr. april 2018
3. Oppsummering av NKRF-konferansen i februar - v/Oma
4. FKT-konferansen 29. - 30.05.18 og årsmøte i FKT – K. Risset er påmeldt
5. Årsrapport 2017 - skatteoppkrevjaren i Vindafjord kommune
6. Kontrollrapport 2017 vedkomande skatteoppkrevjaren for Vindafjord kommune
7. Representantskapsmøte 20.04.18 - Haugaland Vekst IKS
8. Representantskapsmøte 23.04.18 – Haugaland Kontrollutvalgssekretariat IKS
9. Representantskapsmøte 18.04.18 – Interkommunalt arkiv Rogaland IKS
10. eINFO 1/18 – Redegjørelse for likestilling mv. i årsberetningen
11. Kommunal Rapport 05.02.18 – Bernt svarar: Teieplikt og lukka møte
12. NKRF- veileder «God skikk og praksis for kontrollutvalgssekretariatene»– på høyring (IM)
13. FKT - veileder «Hva kan kontrollutvalgene forvente av oppgaveutførelse og kompetanse fra sekretariatene» er klår – vert presentert på FKT-konferansen (IM)
14. KS Bedrift - Ny kommunelov er på trappene – Prop. 46 L (2017-18) Kommuneloven
15. NKRF – framlegget til ny kommunelov bidrar til styrka eigenkontroll

#### **Handsaming i kontrollutvalet:**

Pkt. 1 – leiar innleia og viste til tidligare forvaltningsrevisjonsrapport om Barnevernet, samt oppslag i lokalpressa og innspel frå innbyggjarar. Einingsleiar Dan Jørgen Eide orienterte om dagens situasjon. Han viste til forvaltningsrevisjonsrapporten og tilsyn frå fylkesmannen. Det blei arbeidd hardt og fokusert for å betre situasjonen. Alt var ikkje på plass, men dei vona at i løpet av hausten 2018 skulle situasjonen bli betre.

Pkt. 2 – 15 sekretær gjorde greie for referatsakene. Utvalet hadde ingen særskilte merknader.

### **Samrøystes vedtak i kontrollutvalet 25.04.18:**

*Referat- og orienteringssakene 1 – 15 blir tatt til orientering.*

### **SAK 03/18 VINDAFJORD KOMMUNE - UTTALE TIL REKNESKAPEN FOR 2017**

#### **Sekretariatet si innstilling:**

Kontrollutvalet i Vindafjord vedtek uttale til årsrekneskapen 2017 slik den ligg føre (med desse endringane/tillegga).

#### **Handsaming i kontrollutvalet:**

Økonomisjefen presenterte og orienterte om rekneskapen. Det var et godt netto driftsresultat på 6,5 %, som var betre enn forventa og budsjettert.

Rådmannen og økonomisjefen svara på spørsmål om mellom anna ressursbruk innan pleie- og omsorg, smittesituasjonen på omsorgssentra og sjukefråvær.

Revisor orienterte om deira arbeid. Dei hadde ingen særskilte merknader og det var avlevert rein revisjonsmelding. Utvalet slutta seg til framlegg til uttale.

### **Samrøystes vedtak i kontrollutvalet 25.04.18 og innstilling til kommunestyret:**

*Kontrollutvalet i Vindafjord vedtek uttale til årsrekneskapen 2017 slik den ligg føre:*

*Vindafjord kommune sin årsrekneskap for 2017 er gjort opp med eit rekneskapsmessigt mindreforbruk på 20,2 mill. kr.*

*Kontrollutvalet har merka seg at rekneskapen viser eit positivt netto driftsresultat med 49,7 millionar kr. Det utgjer 6,55 %, som er mykje høgare enn i fjor, og godt over tilrådd nivå på 1,75 %.*

*Under tilvising til utvalet sin eigen gjennomgang av dokumenta og revisjonsmeldinga, meiner kontrollutvalet at årsrekneskapen totalt sett gjer eit forsvarleg uttrykk for resultatet av kommunen si verksemd for 2017 og for kommunen si økonomiske stode pr. 31.12.17.*

*Ut over ovannemnde har ikkje kontrollutvalet merknader til Vindafjord kommune sin årsrekneskap for 2017.*

### **SAK 04/18 OPPFØLGING AV RAPPORT - «SAMHANDLINGS-REFORMA»**

#### **Sekretariatet sitt framlegg til vedtak og innstilling til kommunestyret:**

Vindafjord kommunestyre tek rådmannen si tilbakemelding om oppfølging av forvaltningsrevisjonsrapport om «Samhandlingsreforma» til orientering.

#### **Handsaming i kontrollutvalet:**

Rådmannen hadde kome med ei skriftleg tilbakemelding på korleis tilrådingane i rapporten var blitt følgt opp. Medlemmene hadde nokre spørsmål, mellom anna om avviksmeldingar og risikovurderingar.

### **Samrøystes vedtak i kontrollutvalet 25.04.18 og innstilling til kommunestyret:**

*Vindafjord kommunestyre tek rådmannen si tilbakemelding om oppfølging av forvaltningsrevisjonsrapport om «Samhandlingsreforma» til orientering.*

### **SAK 05/18 ÅRSMELDING FOR KONTROLLUTVALET 2018**

#### **Sekretariatet sitt framlegg til vedtak:**

Kontrollutvalet godkjenner årsmeldinga for 2017 (med eventuelle endringar som kjem fram i møtet).

#### **Innstilling til kommunestyret:**

Vindafjord kommunestyre tek årsmeldinga for 2017 frå kontrollutvalet til orientering.

**Handsaming i kontrollutvalet:**

Utvalet hadde ingen merknader og slutta seg til framlegget.

**Samrøystes vedtak i kontrollutvalet 25.04.18:**

*Kontrollutvalet godkjenner årsmeldinga for 2017.*

**Innstilling til kommunestyret:**

*Vindafjord kommunestyre tek årsmeldinga for 2017 frå kontrollutvalet til orientering.*

**SAK 06/18 PERSONVERNLOVA – KONSEKVENSAAR FOR  
KOMMUNEN**

**Sekretariatet si innstilling:**

Vindafjord kontrollutval ber rådmannen svara skriftleg på spørsmåla om status for arbeidet med ny personvernlov til neste møte, samt deltar i møtet for å kunne utdjupe svara.

**Handsaming i kontrollutvalet:**

Medlemmene meinte spørsmåla var relevante og slutta seg til framlegget.

**Samrøystes vedtak i kontrollutvalet 25.04.18:**

*Vindafjord kontrollutval ber rådmannen svara skriftleg på spørsmåla om status for arbeidet med ny personvernlov til neste møte, samt deltar i møtet for å kunne utdjupe svara.*

**EVENTUELT:**

Ingen saker blei meldt eller tatt opp.

**Neste møte: onsdag 12.09.18, kl. 15.00**

Ølen/Aksdal, 25.04.18

Nils Terje Oma  
Kontrollutvalsleiar

Odd Gunnar Høie  
Utvalssekretær